



16. april 2019

UPA 2019/139

### Naqqiut

Siunnersuut imm.139. 14. februar 2019-meersoq taarserpaa  
(Siunnersuuteqartup atia allanngorpoq)

Inatsisartut suleriasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara:

**Naalackersuisuni ilaasortat sulinngiffeqaraangata inuiaqatigiinnut sullissinerup ajorteriannnginnissaa qulakkeerniarlugu apeqquteqaat naapertorlugu oqallinnissamut siunnersuut.**

(Inatsisartuni ilaasortaq Aqqalu C. Jerimiassen, Atassut)

Naalackersuisut annertuunik pingaarutilipilussuarnillu ukioq naallugu sulisarput qimaannagallarsinnaanngitsunik. Suliassallu imartuut itinerusumillu pulaffigeqqaartariaqartarlutik. Ukiullu ingerlanerani pissutsit assigiinngitsut apeqqutaallutik, soorlu sivilisunerusumik napparsimalernikkut Naalackersuisut ilaat sulinngikkallartussanngortarput.

Piffissami kingullermi Naalackersuisut arlallit nappaammik nalaataqarlutik sulinngikkallartariaqartarsimapput. Taamaattoqartillugulu Naalackersuisooqataasut sinnerisa ilaasaluunniit oqartussaaffiit tigummigallartariaqartarpaat suliassarpassuisa qaavativut.

Atassummi isumaqarpugut kingullermi takusatsinni periaaserineqartoq innuttaasunut nunamullu sullissinermik naammaginannngitsunik kinguneqartoq. Tamanna qanoq ililluta pitsaaliorsinnaavarput? Kikkulluunniit napparsimalersinnaapput - taamatulli aaqquissuussimanerput pitsaanersaava Naalackersuisut siorna sulinngiffeqartarneri eqqarsaatigalugit? Naalackersuisutsinnik qinersisarnerput allanngortittariaqarparput? Naalackersuisoqarfinnut tamanut Naalackersuisut tullersortaannik, imaluunniit sinniisussaannik peqalernissaat atortulissavarput? Imaluunniit nutaamik Naalackersuisoqartariaqalersillugu Inatsisartut tikillutik ataatsimeeqqaanngikkaluarlutik aalajangiisinnaanerat ajornannginnerussava?

Naalackersuisut sivilisunerusumik sulinngiffeqarneranni nunatsinni innuttaasunut sullissinerup ajorseriannnginnissaa anguniarlugu isumaliutersuuteqartariaqarluta isumaqarpugut. Neriutigaarput Inatsisartuni Naalackersuisunilu tamatta aaqquinnissamik eqqarsaatigiissinnaassalluta nunatta innuttai pillugit.